

GOI BILERA SEVILLAN. Atzo bukatutako bilkurarekin Espainiak Danimarkari emango dio Europako Batasuneko presidentziaren lekukoa. Immigrazio arloan, etorkinen iturburu diren herrialdeak zuzenki ez zigortzea deliberatu zuten EBko ordezkariak.

Bruselak azarorako konpontzea espero du hedapena eragozten duten auziak

2004ko Europako hauteskundeetarako kide izateko 10 hautagai Batasunaren zati izatea nahi du EBk

Erredakzioa | DONOSTIA

Atzo bukatu zen Sevillan EB Europako Batasunaren goi bilera. Hamabostek legez kanpoko immigrazioaren aurkako neurri zorrotzagoak hartzea immigrazio iturri diren herrialdeei zigorrik ezarri gabe, eta 2004 urterako EBN sartzeko hautagai diren herrialderik aurreratuenak Batasunarekin bategitea burutzen saiatzea hitzartu zuten. Aitzitik, AI Amnesty Internationalek eta Atime Espainian diren Marokoko Langile Etorkinen Elkartek kritikatu zuten etorkinen sorburu diren herrialdeetan giza eskubideak eta demokrazia bultzatzeko ia deus ez dela egin Sevillan.

Espainiaren EBko txandakako presidentzia atzo bukatutako Sevillako goi bilerarekin amaitu zela esan daiteke; 2003 hasi arte Danimarkak hartuko du lekukoa. Ostiraletik atzo arte Andaluziako hirian egin bilkuraren ardatzetako bat legez kanpoko immigrazioari nola aurre egin izan zen. Hamabostek hitzartu zuten, neurri zorrotzagoak hartuko dituzte legez kanpoko immigrazioari aurre egiteko, «Europa gotorleku bat bihurtu gabe». Besteak beste, Batasuneko kanpoko mugak kontrolatzea, asilo eskubidearen eta etorkinen sorburu diren herrialdeekiko elkarlanaren harmonizazioa, eta fluxu migratorioak kudeatzeko neurriak hartuko dituzte. Gainera, immigrazio iturburu diren herrialdeak EBrekin elkarlanean ariko ez balira ez litzaike zigor automatikorik ezarriko —Espainiak, Erresuma Batuak eta Italiak nahi zuten bezala—.

Goi bilerako ondorioetan EBk zehaztu zuenez, herrialde batek immigrazio arloan elkarlan eskasa erakutsiko balu EBrekiko harremanen sakontzea oztopatuko luke Bruselak.

Alk eta Atimek Sevillako goi bileraren gabezia bat kritikatu zuten atzo; hain xuxen ere, etorkinen jatorri diren herrialdeetan giza eskubideak eta demokrazia bultzatzeko neurririk ez dutela



EDUARDO ABAD / EFE

Sevillako goi bileran parte hartu zuten EBko estatuburu, gobernuburu eta ministroetako batzuk, atzo.

ERABAKI NAGUSIAK

Batasuna egonkortzen

Honatx Europako Batasuneko 15 estatu kideek Sevillako goi bileran hitzartutako neurriak.

IMMIGRAZIOA. Legez kanpoko immigrazioari aurre egiteko plan bat onartu du EBk, «Europa gotorleku bat bihurtu gabe». Besteak, beste, Batasuneko kanpoko mugak kontrolatzea, asilo eskubidearen eta etorkinen jatorri diren herrialdeekiko elkarlanaren harmonizazioa, eta fluxu migratorioak kudeatzeko neurriak hartuko dituzte. Immigrazio iturburu diren herrialdeak EBrekin elkarlanean ariko ez balira ez litzaike zigor automatikorik ezarriko.

EKONOMIA. 2004rako zero defizita lortzeko neurriak hitzartu dituzte. Alabaina, Frantziak baldintza jarri du 2003-2004 urteetan bere hazkunde ekonomikoa %3ra iristen ez bada ez duela xedea beteko. Bestalde, EBk azpimarratu du aktibitate ekonomikoren hoztea bukatu dela eta Europako ekonomiak politika makroekonomikoen fruituak jasoko dituela aurrerantzean.

INSTITUZIOEN ERREFORMA. Europako Kontseiluak goi bilerak egun bakarrean egingo ditu hementik aurrera, eta ez bi egunetan, orain arte legez. Ministroen Kontseilua bederatzi kidetara murriztuko dute. Afera Orokorren Kontseilua bitan banatuko da; batek Europako Kontseiluaren segimendua egingo du eta bestea, aldiz, EBren atzerri politikaz arduratuko da.

HEDAPENA. EBN sartzeko hautagai diren hamar herrialderekin urtea bukatu aitzin negoziatioak burutzeko konpromisoa azaldu dute Hamabostek. Bulgaria eta Errumaniarekiko negoziatioak abenduan zehaztuko dituzte, eta Turkiarekin 2003 urtean negoziatzen hasiko dira.

IRLANDA. Nizako Akordiora erakartzeko EBk neutraltasun militarra bermatuko dio Dublini.

DEFENTSA. Greziak eta EBko beste kideek akordio bat iritsi dute 2003an abiatuko den Europako Azkar Erantzuteko Indarraren inguruan. Turkiarekin akordioa itxia geratzen da.

EKIALDE HURBILA. Gatazka konpontzeko nazioarteko konferentzia bat deitzea erabaki dute.

hartu EBko ordezkariak. Airen Espainiarako presidente Eva Suarez Llanosek adierazi zuenez, «oso adi egon beharko da etorkinen espultsio programekin, asilo politikoa eskatzen duten pertsonen ez eragiteko». Suarezek EBri eskatu zion giza eskubideen defentsan gehiago saiatzeko, izan ere, horien auziak bultzatzen ditu maiz etorkinak beren herrietatik alde egin eta EBra jotzera.

Bestalde, Erresuma Batuko lehen ministro Tony Blairrek adierazi zuenez, EBk legezko immigrazioa beharrezkoa du, baina aldi berean legez kanpoko immigrazioa jazarriko du. «Legezko immigrazioak onura handiak ditu gure herrialdeentzat eta gure ekonomietako zati batzuek horren beharra dute; pertsonen trafikoan oinarritutako legez kanpoko immigrazioaren aurka gaude; ez dugu hori onartuko», esan zuen.

Neurri ekonomikoak

Arlo ekonomikoari dagokionez, Sevillan bildutakoek 2004rako zero defizita lortzeko neurriak hitzartu zituzten. Alta, Frantziak baldintza jarri zuen 2003-2004 urteetan bere hazkunde ekonomikoa %3ra iristen ez bada ez duela helburua beteko. Hamabostek nabarmendu zuten «aktibitate ekonomikoren hoztea bukatu» dela eta Europako ekonomiak politika makroekonomikoen fruituak jasoko dituela aurrerantzean.

EBN sartzeko hautagai diren herrialdeei ematekoak diren nekazaritzarako laguntzen inguruan Frantziako presidente Jacques Chiracek adierazi zuen hobe dela aferaren gaineko erabakiak Alemaniako hauteskundeetan —irailean egingo dira— ondoren hartzea. Alemania, Suedia eta Holanda laguntza horiek emateko uzkur ageri direlarik, Frantzia —beste hainbaten artean— aldekoa da.

Hamabostek 2010erako munduko ekonomiari konkpetiboena izateko xedea berretsi eta erreforma ekonomikoen bidean segitzea erabaki zuten.